



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-006-12/21**
Datum: **15.11.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „LAGER“ d.o.o. Posušje, za izdavanje vodne dozvole za aktivnosti koje mogu imati specifične uticaje na vode i za ispuštanje oborinskih onečišćenih voda sa radnih zona površinskog kopa i voda sa prališta rudarsko-građevinske mehanizacije sa prostora površinskog kopa "Zlauše" i „Martin“, u naseljima Gornji Kamengrad i Fajtovci, općina Sanski Most, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Pravnom licu, „LAGER“ d.o.o. Posušje, daje se vodna dozvola za aktivnosti koje mogu imati specifične uticaje na vode i za ispuštanje oborinskih onečišćenih voda sa radnih zona površinskog kopa i voda sa prališta rudarsko-građevinske mehanizacije sa radnih, otkopnih, manipulativnih površina i drugih pratećih objekata koji se planiraju graditi na eksploatacionom prostoru površinskog kopa mrkog uglja "Zlauše" i „Martin“, u naselju Gornji Kamengrad - Fajtovci, općina Sanski Most na prostoru za koji su riješeni imovinsko-pravni odnosi, a čije su granice eksploatacionog polja definirane Rješenjem Federalnog ministarstva energije, rudarstva i industrije, UP/I 06-18-564/15-2 od 19.05.2016. godine.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda i aktivnosti na uređenju vodotoka na površinskim vodama II kategorije, za čije je izdavanje nadležno Ministarstvo poljoprivrede, vodoprivrede i šumarstva USK, u skladu sa članom 139. stav (2) tačka 1. i 2. Zakona o vodama, odnosno u skladu sa članom 17. stav (2) tačka 9. Pravilnika o sadržaju, obliku, uslovima, načinu izdavanja i čuvanja vodnih akata („Službene novine F BiH“, broj 31/15, 55/19 i 41/20).
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu i pod slijedećim uslovima:
 - 3.1. Da korisnik, u toku važenja ovog Rješenja, realizira dostavljeni dinamički plan sa predmjerom i predračunom radova, broj: DP-03-11/19 od novembra 2019. godine, odnosno da izvede radnje predviđene revidovanom investiciono-tehničkom dokumentacijom, Glavni projekt prikupljanje, tretman i ispuštanje otpadnih voda za površinski kop „Zlauše“; urađen od strane Euroing d.o.o. Bihać pod brojem AGP 03-11/19, novembra 2019. godine, u Bihaću, revidiran od strane „TQM“ d.o.o. Lukavac pod brojem 10-129-19, dana 09.12.2019. godine, odnosno, potrebno je:
 - Izvesti bez odlaganja radove na razvodu vode za hidrantsku mrežu, predviđene tačkom D priloženog dinamičkog plana, najkasnije do kraja decembra 2021. godine,
 - Izvesti radove vanjskog uređenja, predviđene priloženim dinamičkim planom, do kraja juna 2022. godine, pogotovo zahvate na sprječavanju nekontroliranog oticanja onečišćenih oborinskih i svih drugih površinskih voda sa radnog prostora na način da se nivelacijom terena i betonskim zidovima visine do 20 cm u ravlini sa taložnikom lijevo i desno i ove vode usmjere na taložnik, a zatim u separator ulja i masti na tretman i preko monitoring okna u rijeku Blihu,
 - Radovi na uređenju vodotoka rijeke Blihe i potoka Obarak, definirani priloženim dinamičkim planom i glavnim projektom se ne mogu izvoditi bez prethodno pribavljenog vodnog akta od strane nadležnog kantonalnog ministarstva, nadležnog za vodotoke II kategorije ili Općine Sanski Most ukoliko se USK proglasi nenadležnim ili prenese obavezu na lokalnu vlast.
 - 3.2. Korisnik predmetnog privrednog kompleksa je dužan da u roku važenja ovog rješenja na osnovu pribavljenih odgovarajućih vodnih akata – prethodnih vodnih saglasnosti izdatih od Općine Sanski Most, za izvršene i planirane radove na uređenju/regulaciji vodotoka rijeke Blihe i potoka Obarak (vodotoci II kategorije), koje prema članom 17. stav (2) tačka 9. Pravilnika o sadržaju, obliku, uslovima, načinu izdavanja i čuvanja vodnih akata izdaje nadležno kantonalno

- ministarstvo a prenešeno na lokalnu zajednicu, te odgovarajuća akta o građenju od organa uprave nadležnog organa uprave te izvrši realizaciju navedenim aktima odobrenih radova.
- 3.3. Ako korisnik predmetnog objekta ne uspije riješiti imovinsko-pravne odnose te pribaviti odgovarajuća vodna akta – vodne saglasnosti i akta za građenje, za naprijed navedena uređanja bilo kojeg od dva vodotoka, dužan je da, u roku važenja ovog rješenja, iste vrati u prvobitno – prirodno stanje, na način kako je to naloženo rješenjem Općinske službe za inspekcijske poslove Općine Sanski Most, broj: UP-1-09-23-5-1478/18 od 31.08.2018. godine, za rijeku Blihu te na isti način i za potok Obarak.
- 3.4. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru, a prije ispusta u prijemnik, uzorci za ispitivanje uzimaju se iz izgrađenog okna za monitoring, shodno članu 19. stav 3. i 4. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH» broj 26/20 i 96/20).
- 3.5. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.6. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.7. Opasni materijal i otpad nastao pri izvođenju radova i eksploatacije sirovine ne smije se ni privremeno odlagati na česticu «vodno dobro», odnosno u vodotok i na njegove obale.
- 3.8. Tokom izvođenja radova, neophodno je poduzeti sve potrebne mjere zaštite, kako predmetnim aktivnostima ne bi došlo do nastanka štete ili nepovoljnih posljedica po vode i vodni režim, postojeće korisnike vode ili treća lica.
- 3.9. Pri izvođenju radova treba koristiti tehnički ispravnu opremu i mašine, iz kojih ne smije curiti gorivo, mazivo, hidraulička ulja, i slično.
- 3.10. Da se redovno vrši monitoring prečišćene oborinske onečišćene vode iz okna za monitoring shodno članovima 19. 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13 i 26/14).
- 3.11. Korisnik mora obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz članova 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
4. U cilju sprečavanja negativnih uticaja predmetne aktivnosti na režim voda ili uticaja režima voda na stanovništvo, objekte, radove i okolinu, korisnik je obavezan da se u toku izvođenja radno – proizvodnih aktivnosti pridržava općih zabrana, utvrđenih u članovima 12, 95., 96. i 97. Zakona o vodama, a posebno se naglašavaju slijedeća ograničenja i zabrane:
- 4.1. graditi objekte u vodnom dobru,
- 4.2. sprečavati normalan protok vode, naplavina i mulja,
- 4.3. u plavnom području odlagati jalovinu i druge krute i tečne materije i materijale,
- 4.4. mijenjati pravac vodotoka bez pisane saglasnosti kantonalnog ministarstva nadležnog za vode,
- 4.5. vršiti radove koji mogu oštetiti korito vodotoka ili smanjiti slobodno oticanje voda,
- 4.6. izvoditi građevinske i druge zahvate u prostoru na način koji podspješuje eroziju i nastanak bujica,
- 4.7. zatrpavati izvorišta,
- 4.8. krčiti šumske površine koje sprečavaju klizanje zemljišta i štite nizvodna područja od štetnog uticaja erozija bez prethodnog poduzimanja protuerozivnih mjera.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa, korisnik zaštitnih vodnih objekata nije odgovoran za nastale štete.
7. Vlasnik, odnosno korisnik objekta je obavezan vršiti plaćanje vodne naknade u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
8. U periodu važenja ovog rješenja, korisnik „LAGER“ d.o.o. Posušje, je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav 1. Zakona o vodama i članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja do **19.12.2023.** godine, od dana pravosnažnosti ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

O b r a z l o ž e n j e

Pravno lice „LAGER“ d.o.o. Posušje, obratilo se ovoj Agenciji dana 07.01.2021. godine i zahtjevom broj: 5877/21 od 09.09.2021. godine, za izdavanje vodne dozvole za aktivnosti koje mogu imati specifične uticaje na vode i za ispuštanje oborinskih onečišćenih voda sa radnih zona površinskog kopa i voda sa prališta rudarsko-građevinske mehanizacije sa prostora površinskog kopa "Zlauše" i „Martin“, u naseljima Gornji Kamengrad i Fajtovci, općina Sanski Most, na kojem se vrši eksploatacija, usitnjavanje i klasiranje mrkog uglja na separaciji u industrijskom krugu, na zemljištu označenom kao k.č. br. 2176/2 i 1949 K.O. Fajtovci, općina Sanski Most, a čije su granice eksploatacionog polja odobrene rješenjem Federalnog ministarstva energije, rudarstva i industrije.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija rješenja o registraciji, broj: 064-0-Reg-11-000110, izdano dana 08.04.2011. godine, od strane Općinskog suda u Širokom Brijegu,
- Ovjerena kopija Uvjerenja o poreznoj registraciji, izdano dana 12.11.2002. godine, od strane Federalnog ministarstva finansija, Porezne uprave – Županijski porezni ured Zapadno-hercegovačke,
- Ovjerena kopija Uvjerenja o registraciji obveznika poreza na dodanu vrijednost, izdano od strane Uprave za indirektno-neizravno oporezivanje Banjaluka, broj 04/5-1/III-17-1-D-8000-3076/05, dana 11.11.2005. godine, u Banjaluci,
- Kopija uplatnice upravne pristojbe i federalna administrativna taksa,
- Kopija rješenja, kojim se izdaje dozvola gospodarskom društvu „LAGER“ d.o.o. Posušje za izvođenje radova po Glavnom rudarskom projektu eksploatacije mrkog uglja na površinskom kopu „Zlauše-Martin-Majdankići“, Gornji Kamengrad-Sanski Most, Knjiga I /rudarsko-tehnološki dio/, broj projekta: 39/16, na prostoru za koji su riješeni imovinsko-pravni odnosi; izdano od strane Federalnog ministarstva energije, rudarstva i industrije pod brojem 06-18-235/17, dana 26.06.2017. godine, u Mostaru,
- Kopija rješenja, kojim se izdaje dozvola gospodarskom društvu „LAGER“ d.o.o. Posušje za izvođenje radova po Dopunskom rudarskom projektu eksploatacije mrkog uglja na površinskom kopu „Zlauše“, Gornji Kamengrad-Sanski Most, broj projekta: 21/11-2018, na prostoru za koji su riješeni imovinsko-pravni odnosi; izdano od strane Federalnog ministarstva energije, rudarstva i industrije pod brojem 06-18-252/19, dana 17.04.2019. godine, u Mostaru,
- Kopija zaključka, kojim se odbacuje zahtjev investitoru Lager d.o.o. iz Posušja sa sjedištem u ul. Južna obilaznica bb, za izdavanje urbanističke saglasnosti za površinsku eksploataciju mrkog uglja

na lokalitetu Zlauše-Fajtovci-Gornji Kamengrad, a zbog nenadležnosti; izdano od strane Federalnog ministarstva prostornog uređenja pod brojem UPI/03-4-23-2-122/17, dana 20.04.2017. godine, u Sarajevu,

- Kopija Ugovora o koncesiji broj KU 054/2015 za eksploataciju mrkog uglja na lokalitetu „Zlauše-Fajtovci-G. Kamengrad“ u općini Sanski Most, zaključen sa koncesorom – Ministarstvo privrede Unsko-sanskog kantona pod brojem 06-18-11153-1/2015, odnosno brojem: 5456/2015, dana 27.10.2015. godine, u Bihaću,
- Kopija Rješenja kojom se daje vodna dozvola investitoru „Lager“ d.o.o. Posušje za ispuštanje otpadnih voda (oborinskih onečišćenih voda sa radnih zona površinskog kopa i voda sa prališta rudarsko-građevinske mehanizacije) sa radnih, otkopnih, manipulativnih površina i drugih pratećih objekata koji se planiraju graditi na eksploatacionom prostoru površinskog kopa mrkog uglja „Zlauše“ i „Martin“, u naselju Gornji Kamengrad, općina Sanski Most, a na osnovu revidovane projektne dokumentacije: Glavni rudarski projekat Eksploatacija mrkog uglja na površinskom kopu „Zlauše-Martin-Majdankići“ Gornji Kamengrad – Sanski Most, KNJIGA I (Rudarsko-tehnički dio), urađenog od strane „Rudex“ d.o.o. Sarajevo, decembar 2016. godine, a revidovana od strane JP ELEKTROPRIVREDA BiH d.d. Sarajevo, Zavisno društvo Rudnik mrkog uglja „Breza“ d.o.o. Breza; izdano od strane Agencije za vodno područje rijeke Save pod brojem UP-I/25-3-40-233-16/19, dana 19.12.2019. godine,
- Kopija Rješenja, kojim se izdaje okolišna dozvola operatoru – privredno društvo „Lager“ d.o.o. Posušje za površinsku eksploataciju mrkog uglja na lokalitetu „Zlauše“ i „Martin“ u naselju Gornji Kamengrad, općina Sanski Most. Ugljeni bazen se nalazi u sjeverozapadnoj Bosni, između Sanskog Mosta na istoku i Bosanske Krupe na sjevero-zapadu. Prostire se sjeverozapadno od Sanskog Mosta, između planine Grmeča s jugozapadne strane i Majdanskih planina, sa sjeverne strane. Privredno društvo „Lager“ d.o.o. Posušje dobilo je koncesiono pravo u skladu sa Zakonom o koncesijama Unsko-sanskog kantona, za koncesiono dobro označeno u Odluci o provođenju Prostornog plana Općine i Urbanističkog plana grada Sanskog Mosta („Službeni glasnik općine Sanski Most“, broj: 3/03) kao eksploataciono polje mineralne sirovine – mrkog uglja na ležištu „Zlauše“, općina Sanski Most; izdano od strane Federalnog ministarstva okoliša i turizma pod brojem UP-I05/2-23-11-48/17, dana 13.04.2017. godine, u Sarajevu,
- Kopija Zaključka kojim se prekida upravni postupak u postupku eksproprijacije zemljišta u cilju čišćenja korita rijeke Blihe pokrenut po službenoj dužnosti od strane Općinske službe za inspekcijske poslove pod brojem UP-1-09-23-5-1478/18 od 30.01.2019. godine,
- Kopija Rješenja o prethodnoj vodnoj saglasnosti za uređenje korita rijeke Blihe u dužini od 322,88 m izdato od strane Općine Sanski Most pod brojem UP-1-02-21-754/21 od 07.09.2021. godine,
- Kopija Rješenja o prethodnoj vodnoj saglasnosti za uređenje korita potoka Obarak u dužini od 394,95 m izdato od strane Općine Sanski Most pod brojem UP-1-02-21-753/21 od 06.09.2021. godine,
- Kopija Ugovora o sakupljanju, skladištenju i zbrinjavanju opasnog otpada sačinjen od strane pravnih lica „Lager“ d.o.o. Posušje i „Kemeko-BH“ d.o.o. Lukavac, broj ugovora 060-01/21 od 15.01.2021. godine,
- Kopija operativnog plana mjera u slučaju vanrednih i incidentnih zagađenja - Površinski kop mrkog uglja „Zlauše“ Sanski Most korisnika „LAGER“ d.o.o. Posušje, izrađen od strane ovlaštenog lica „Inspekt-RGH“ d.o.o. Sarajevo pod brojem 72/21 od 25.01.2021. godine,
- Izvještaj o monitoringu kvaliteta i kvantiteta otpadnih voda površinskog kopa „Zlauše“ Sanski Most, korisnika „LAGER“ d.o.o. Posušje, izrađen od strane „Inspekt-RGH“ d.o.o. Sarajevo pod brojem 46/21 od 19.01.2021. godine, sa Zaključkom da izmjereni parametri zadovoljavaju granične vrijednosti emisije otpadnih voda,
- Akt – Dopuna zahtjeva podneska AVP rijeke Save, broj UP-I/25-3-40-006-5/21 od 23.03.2021. godine,
- Akt – Odgovor na upit izdat od strane Federalnog ministarstva prostornog uređenja broj 03-1-2-528/21 od 13.04.2021. godine, a koji je upućen od strane pravnog lica Lager Posušje,
- Zahtjev za produženje roka za dopunu podneska zahtjeva prema Obavijesti broj: UP-I/25-3-40-006-7/21 od 04.05.2021. godine, broj: 16/21 od 22.04.2021. godine,
- Urgencija za dopunu podneska izdata od strane Agencije pod brojem UP-I/25-3-40-006-9/21 od 05.07.2021. godine,

- Zapisnik o izvršenom inspekcijskom uviđaju izdat od strane Kantonalne uprave za inspekcijske poslove Bihać broj UP-1-17-21-02359/21 od 20.04.2021. godine,
- Zaključak o obustavljanju postupka za izdavanje rješenja o urbanističkoj saglasnosti izdat od strane Općine Sanski Most pod brojem UP-1-03-19-1-2056/20 od 21.06.2021. godine,
- Obavijest o ispunjavanju zadanih rokova po izdatoj vodnoj dozvoli od strane Agencije i zahtjev za odgodu istih dostavljen od strane pravnog lica Lager pod brojem 17/20 od 30.06.2020. godine,
- Obavještenje o izvedenim radovima u skladu sa dinamičkim planom broj DP-03-11/19 dostavljenim uz zahtjev za izdavanje vodnog akta Agencije, dostavljeno od strane pravnog lica Lager Posušje pod brojem 5873/21 od 09.09.2021. godine,
- Zapisnik Općinske službe za inspekcijske poslove Općine Sanski Most broj 09-19-5-SC/21 od 13.10.2021. godine,
- Punomoć za Igora Sredića uposlenika i voditelja podružnice Sanski Most za djelovanje u svim potrebnim radnjama prilikom ishodovanja vodne dozvole, punomoć izdata od strane pravnog lica Lager Posušje potpisana od direktora dana 08.09.2021. godine,
- Glavni projekt prikupljanje, tretman i ispuštanje otpadnih voda za površinski kop „Zlauše“; urađen od strane Euroing d.o.o. Bihać pod brojem AGP 03-11/19, novembra 2019. godine, u Bihaću, na uvid,
- Izvještaj o reviziji glavnog projekta prikupljanja, tertmana i ispuštana otpadnih voda za površinski kop „Zlauše“; urađen od strane Instituta za kvalitet, standardizaciju i ekologiju TQM d.o.o. Lukavac pod brojem: 10-129-19, dana 09.12.2019. godine, u Lukavcu, na uvid,
- Dinamički plan sa predmjerom i predračunom radova za Glavni projekt hidrotehničkih radova za prikupljanje, tretman i ispuštanje otpadnih voda sa PK RMU Zlauše, obodni kanal i vodotok Obarak, izmještanje rijeke Blihe; urađen od strane Euroing d.o.o. Bihać pod brojem: DP-03-11/19, novembra 2019. godine, u Bihaću, arhiva Agencije,
- Zaključak o visini i roku za plaćanje posebnih troškova, izdan od strane ove Agencije, broj UP-I/25-3-40-006-10/21, od 21.09.2021. godine, te uplatnice za iste,
- Kopija dijela geodetskog snimka uvjetovanih zahvata vodnim aktom izdatim od strane Agencije na području površinskog kopa mrkog uglja Kamengrad,
- Kopija garantnog lista i tehničkih karakteristika ugrađenog separatora ulja i masti pri tretmanu otpadnih voda površinskog kopa rudnika mrkog uglja Kamengrad, izrađenog od strane P.T.D. „AG-METAL“ Zenica,

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled lokaliteta površinskog kopa mrkog uglja "Zlauše", koji se koristi od strane pravnog lica „LAGER“ d.o.o. Posušje, i tom prilikom sačinjen zapisnik o uviđaju, broj: UP-I/25-3-40-006/21 od 27.10.2021. godine, pri čemu je utvrđeno:

Predmetni površinski kop mrkog uglja "Zlauše-Fajtovci-Gornji Kamengrad" je lociran u naselju Fajtovci, općina Sanski Most.

Koncesioni prostor je površine 1067,27 ha, ograničen prelomnim tačkama označenim kao: A, B, C, D, E, F, G i H, koje su definisane koordinatama (x,y):

Prelomne tačke	koordinate	
	X	Y
A	6 380 700	4 960 700
B	6 381 785	4 960 860
C	6 382 380	4 961 560
D	6 383 937	4 962 943
E	6 384 432	4 962 421
F	6 385 847	4 963 429
G	6 384 843	4 964 526
H	6 379 990	4 963 130

kako je definisano gore navedenim Ugovorom o koncesiji, zaključenim na osnovu člana 28. Zakona o koncesijama ("Službeni glasnik Unsko-sanskog kantona" broj. 10/03, 7/09 i 19/13), rješenja Komisije za koncesije USK-a broj: 13-18-4850-19/2015 od 16.10.2015. godine i Odluke Vlade Unsko-sanskog kantona broj: 03-017-844/2015 od 27.10.2015. godine.

Ovim vodnim aktom je obuhvaćen lokalitet izvođenja radova, mjesta formiranja privremenih gradilišta, pristupnih i transportnih puteva, deponija za odlaganje jalovine i viška izvađenog materijala, industrijskog kruga, prostora za separaciju i skladištenje gotovih proizvoda, odnosno eksploatacionih površina za koje su riješeni imovinsko-pravni odnosi.

Za predmetni površinski kop je pribavljena dozvola za rad po Glavnom rudarskom projektu eksploatacije mrkog uglja na površinskom kopu „Zlauše-Martin-Majdankići“ Gornji Kamengrad-Sanski Most, Knjiga I /rudarsko-tehnološki dio/, broj projekta 39/16, na prostoru za koji su riješeni imovinsko-pravni odnosi, izdano od strane Federalnog ministarstva energije, rudarstva i industrije, Up/I broj: 06-18-235/17, dana 26.06.2017. godine, u Mostaru. U obrazloženju rješenja se navodi da je Rješenjem Federalnog ministarstva energije, rudarstva i industrije broj: UP/I 06-18-564/15-2 od 19.05.2016. godine data saglasnost za prijenos odobrenja (dozvola) na privredno društvo „LAGER“ d.o.o. Posušje za eksploataciju mrkog uglja na lokalitetu Zlauše – Fajtovci – Gornji Kamengrad koja su rješenjima Republičkog komiteta za energiju i industriju, Sarajevo, Up/I broj: 06-310-723/85 od 15.12.1985. godine, Up/I broj: 06-310-876/83 od 24.10.1983. godine i Up/I broj: 06-310-137/83 od 06.06.1985. godine, izdana Radnoj organizaciji Rudniku mrkog uglja „Kamengrad“ Sanski Most.

Budući da je na površinskom kopu vršena eksploatacija mrkog uglja još u prošlom stoljeću, podnosilac zahtjeva je vršio eksploataciju bez pribavljenog odobrenja za upotrebu, koje nije vršeno u skladu sa odobrenom projektnom dokumentacijom - Glavnim rudarskim projektom. Posljedica takvih zahvata je klizanje jalovine u korito rijeke Blihe te plavljenje poljoprivrednog zemljišta na drugoj obali vodotoka. Zatim je podnosilac zahtjeva izvršio odvodnjavanje potopljenog dubinskog dijela površinskog kopa na način da je vršio ispušćavanje vode u potok Obarak. Tom prilikom je u korito potoka Obarak izbačen i talog sa dna površinskog kopa, koji je onečistio korito i vode rijeke Blihe. Desilo se i klizanje zapadne kosine kopa te prodiranje voda iz potoka Obarak u jamu kopa. Za saniranje navedenih problema urađena je projektna dokumentacija (Pojednostavljeni rudarski projekt industrijske zone i Dopunski rudarski projekt eksploatacije mrkog uglja na PK „Zlauše“, od strane Rudprom d.o.o. Prijedor), sanacije narušene zapadne završne kosine kao i za oblaganje i saniranje korita Obarak. Prema istoj je izvršena sanacija i regulacija korita Obarak, dužine 410 metara, bez prethodno pribavljene saglasnosti - vodnog akta, od nadležnog kantonalnog ministarstva. Također su izvedena/predviđena dva muljotaložnika neposredno uz korito potoka Obarak, u koje se planira vršiti ispušćavanje oborinskih voda sa prostora dubinskog dijela površinskog kopa, a prije ispusta u potok Obarak. Za čišćenje korita rijeke Blihe i vraćanje u prvobitno funkcionalno stanje, nakon klizanja jalovine u korito, nadležna Općinska služba za inspeksijske poslove je izdala rješenje dana 31.08.2019. godine. Rok za izvršenje je bio 30 dana. Podnosilac zahtjeva nije postupio po istom. Korisnik planira izvršiti regulaciju korita rijeke Blihe na predmetnom lokalitetu (k.č. broj: 2169, 2174, 2175, 2176/1, 2168, 2369, 2368/2 i 2368/1 K.O. Fajtovci), a za isto je pribavio prethodnu vodnu saglasnost – vodni akt od strane nadležnog organa, ali nisu u cjelosti riješeni imovinsko-pravni odnosi.

U svrhu prihvata oborinskih voda sa hipsometrijski višeg prostora prema površinskom kopu je izvršena izgradnja obodnog kanala u dužini od cca 400 metara, prema petogodišnjem planu eksploatacije i rekultivacije površinskog kopa.

Snabdijevanje vodom za sanitarne potrebe je obezbjeđeno priključkom na javni gradski vodovodni sistem a čeka se spajanje na novoizgrađenu vodovodnu mrežu većeg promjera cijevi i time većeg kapaciteta radi hidrantske mreže u krugu rudnika. Snabdijevanje vodom za tehnološke potrebe (obaranje prašine na transportnim putevima, pranje radnih mašina i transportnih kamiona, i slično) je predviđeno iz akumulacije oborinskih voda u podnožju površinskog kopa.

Sanitrane otpadne vode nastale na prostoru industrijskog kruga se zbrinjavaju putem nepropusnog septika smještenog ispod kontejnerskog sanitarnog čvora.

Oborinske onečišćene vode sa površinskog kopa mrkog uglja se slijevaju ka dubinskom dijelu površinskog kopa odakle se planiraju prepumpavati u muljotaložnike, izgrađene uz vodotok potoka Obarak (k.č. broj: 1949 K.O. Fajtovci) te nakon bistrenja ispuštati u korito potoka. Isto nije usklađeno sa projektnom saglasnošću odobrenom projektnom dokumentacijom (Glavni rudarski projekat –Knjiga I), kojom je predviđeno da se navedene vode smiruju i bistrine u taložnicima na najnižim kotama površinskog kopa te izbistrine ispušćavaju u korito rijeke Blihe.

Čiste oborinske vode sa krovova objekata radionice i drugih pomoćnih objekata se slijevaju na okolni teren. Onečišćene (zauljene) otpadne vode sa internih asfaltiranih i manipulativnih površina, pretakališta goriva i platoa za pranje mehanizacije se prikupljanju betonskim rigolima, dužine 165 metara i odvođe do dvokomornog taložnika. Preliv iz taložnika je izveden na separator ulja i masti, te preko kontrolnog okna (k.č. broj: 2176/2 K.O. Fajtovci) u korito rijeke Blihe.

Oborinske onečišćene vode sa prostora separacije te platoa za skladištenje gotovog materijala, koje sadrže suspendirane materije rude, se prikupljaju putem otvorenog AB kanala širine 100 cm, ukupne dužine 425 metara. Prečišćavanje zamuljenih otpadnih voda je predviđeno u 4 planirana pjeskolova te prelivom u separator ulja i masti.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva privredno društvo „LAGER“ d.o.o. Posušje za eksploataciju mrkog uglja na lokalitetu Zlauše – Fajtovci – Gornji Kamengrad ispunio minimum uslova za izdavanje vodne dozvole za aktivnosti koje mogu imati specifične uticaje na vode i za ispuštanje oborinskih onečišćenih voda sa radnih zona površinskog kopa i voda sa prališta rudarsko-građevinske mehanizacije sa prostora površinskog kopa "Zlauše" i „Martin“, u naseljima Gornji Kamengrad i Fajtovci, općina Sanski Most, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „Lager“ d.o.o. Posušje, Južna obilaznica bb, 88 240 Posušje
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava